



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ա. Դավթի 87ա

<<27>> _հոկտեմբերի_ 2018թ.

Ո Ր Ո Շ ՈՒ Մ No. 3974 /13-Ա

Չկատարված հարկային պարտավորությունները գանձելու մասին

Հայաստանի Հանրապետության պետական եկամուտների կոմիտեի աշխատակազմի իրավաբանական վարչության պետ Ա. Մնացականյանս քննարկելով <<ԱՊԱԳԱ ՏՈՒՐ>> ՍՊ ընկերության վերաբերյալ վարչական վարույթի նյութերը

Պ Ա Ր Զ Ե Ց Ի

Համաձայն հարկային մարմնում առկա անձնական հաշվի քարտի տվյալների <<ԱՊԱԳԱ ՏՈՒՐ>> ՍՊ ընկերության (ՀՎՀՀ 07613354, պետ. գրանցման համարը՝ 67.110.00806, վկայական՝ N 03Ա1054675, հասցե՝ Տավուշի մարզ, գ. Ենոքավան, 1 Փ. /ՔՈԹԵԶ/ 38/7) չկատարված հարկային պարտավորությունը գծով <24> հոկտեմբերի 2018թ.-ի դրությամբ կազմել է 8.244.417 դրամ, որից ապառք՝ 7.768.384 դրամ, տույժ՝ 365.943 դրամ, տուգանք՝ 110.340 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի, հարուցվել է վարչական վարույթ չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի մասին <25> հոկտեմբերի 2018թ.-ին հարկ վճարողը ՀՀ ինտերնետով ծանուցման պաշտոնական կայքում տեղադրելու միջոցով պատշաճ կերպով ծանուցվել է, վարույթի նյութերին ծանոթանալու համար չի ներկայացել և որևէ բացատրություն չի տվել:

<<ԱՊԱԳԱ ՏՈՒՐ>> ՍՊ ընկերության կողմից ԱԱՀ ապառքից կատարվել է 200.000 դրամի չափով վճարում:

ՀՀ ՊԵԿ իրավաբանական վարչության պետի կողմից կայացվել են չկատարված հարկային պարտավորությունները գանձելու մասին 16.08.2018թ.-ին թիվ 2352/13-Ա (մնացորդ գումարը կազմում է 34.384 դրամ, որից ԱԱՀ՝ 33.876 դրամ տույժ, եկամտային հարկ՝ 508 դրամ տույժ) և 18.09.2018թ.-ին թիվ 3094/13-Ա (մնացորդ գումարը կազմում է 5.688 դրամ, որից ԱԱՀ՝ 508 դրամ տույժ, եկամտային հարկ՝ 5.180 դրամ տույժ) որոշումները, որոնց շրջանակներում վճարման ենթակա գումարը կազմում է 115.967 դրամ, որից ԱԱՀ՝ 110.279 դրամ տույժ, եկամտային հարկ՝ 5.688 դրամ տույժ:

Միաժամանակ վերը նշված պարտավորություններից ԱԱՀ գծով 110.340 դրամ տուգանքը առաջացել է 23.09.2017թ. թիվ 1012548 ստուգման ակտից, ինչը չի ներառվում սույն գանձման որոշման մեջ:

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը կազմում է **7.818.110 դրամ**, որից՝

ավելացված արժեքի հարկի գծով պարտավորությունը կազմում է **6.776.030 դրամ**, որից ապառք՝ 6.544.546 դրամ, տույժ՝ 231.484 դրամ, որն առաջացել է 2018թ.-ի օգոստոս և սեպտեմբեր ամիսների ավելացված արժեքի հարկի հաշվարկներից և ՀՀ հարկային օրենսգրքի 401-րդ հոդվածով հաշվարկված տույժերից,

շահութահարկի գծով պարտավորությունը կազմում է **322.720 դրամ**, որից ապառք՝ 314.696 դրամ, տույժ՝ 8.024 դրամ, որն առաջացել է 2018թ.-ի 3-րդ եռամսյակի համար հաշվարկված շահութահարկի կանխավճարից և ՀՀ հարկային օրենսգրքի 401-րդ հոդվածով հաշվարկված տույժերից,

եկամտային հարկի գծով պարտավորությունը կազմում է **719.360 դրամ**, որից ապառք՝ 709.142

հարկի և սոցիալական վճարի ամսական ամփոփ հաշվարկներից և ՀՀ հարկային օրենսգրքի 401-րդ հոդվածով հաշվարկված տույժերից:

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր, որոնք ենթակա են կատարման մինչև սույն որոշման կատարման օրը՝ ՀՀ հարկային օրենսգրքով կամ օրենքով սահմանված կարգով հաշվարկված տույժերի հետ միասին:

ՀՀ հարկային օրենսգրքի 4-րդ հոդվածի 1-ին մասի 1-ին կետը սահմանում է, որ հարկը պետական և (կամ) հասարակական կարիքների բավարարման նպատակով Հայաստանի Հանրապետության պետական և (կամ) համայնքների բյուջեներ վճարվող պարտադիր և անհատույց գումար է, որը վճարվում է հարկ վճարողների կողմից՝ ՀՀ հարկային օրենսգրքով սահմանված կարգով, չափերով և ժամկետներում:

Համաձայն «Հայաստանի Հանրապետության 2018 թվականի պետական բյուջեի մասին» ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով պարտավորությունների գանձման կարևորագույն հանրային նշանակությունը՝ **սույն որոշումն ենթակա է անհապաղ կատարման:**

Սույն որոշումը անհապաղ չկատարելը բավարար հիմք է տալիս ենթադրելու, որ հարկ վճարողը կարող է թաքցնել, փչացնել կամ սպառել հարկային մարմնի ընդունած իրավական ակտի կատարման համար անհրաժեշտ գույքը, ինչի արդյունքում հարկային մարմնի ղեկավարը ՀՀ հարկային օրենսգրքով սահմանված կարգով իրավունք ունի հարկ վճարողի գույքի վրա արգելանք դնելու մասին հանձնարարագիր հրապարակել:

Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասի 64-րդ, 66-րդ կետերով, 398-րդ հոդվածի 5-րդ և 7-րդ մասերով, <<Հարկային ծառայության մասին>> ՀՀ օրենքի 4-րդ հոդվածի 9-րդ մասով և <<Վարչարարության հիմունքների և վարչական վարույթի մասին>> ՀՀ օրենքի 55, 56, 58, 88 հոդվածներով՝

Ո Ր Ո Շ Ե Ց Ի

1. <<ԱՊԱԳԱ ՏՈՒՐ>> ՍՊԸ-ից գանձել 7.818.110 դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ապահովող ծառայություն:
3. Որոշման օրինակն եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում այն հարկ վճարողի էլեկտրոնային փոստի հասցեին ուղարկելու կամ Հայաստանի Հանրապետության հրապարակային ծանուցումների պաշտոնական ինտերնետային կայքում տեղադրելու օրվան հաջորդող օրվանից:
5. Սույն որոշումը կարող է բողոքարկվել վարչական մարմին՝ <<Վարչարարության հիմունքների և վարչական վարույթի մասին>> ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ Վարչական դատարան:

**ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ**

Ա. ՄՆԱՑԱԿԱՆՅԱՆ

Ստացա որոշման օրինակը

Ստորագրություն

<<ԱՊԱԳԱ ՏՈՒՐ>> ՍՊԸ

հարկ վճարողի /կամ ֆիզ. Անձի/ պաշտ. Անձի անուն ազգանուն

ամսաթիվ